

Արշաւոյնք թախարաց 'ի Պաղեստին . Առուին Երուսաղէմի : Հեթում
 Բ . արքայ Հայոց . Շինութիւնք նորին : Մէլիք Նասր : Առանն Ռեմէ
 և կոթող նորին : Արարահան արձանադրութիւնք :

ՅԱՂԱԳՍ գալստեանն թախարաց գրէ Յոյն Արարացի
 պատմիչն , յորմէ առեալ դնեմք աստանօր . « Պապն Հոս-
 մայ նիկողոս Դ . գրեաց առ ամենայն թագաւորս առնուլ
 զէն ընդգէմ այլազգեաց , և արտաքսել զնոսս յերուսա-
 զէմէ , եւ ազատել զՍ . Տեղիս 'ի ձեռաց նոցին . գրեաց
 նաեւ առ կայսրն Յունաց 'ի կոստանդինուպօլիս , եւ առ
 երկրորդ նորս , որ նաեւ 'ի Տրապիզոն . առ թագաւորն
 Հայոց Հեթում Բ . առ թագաւորս Կիպրոսի , և Վրաց , և
 առ Խազանն Մողղաց Ղազան Խան որդի Արզուն Խանի :
 Բայց ոչ ոք 'ի քրիստոնեայ թագաւորաց արար բանից նո-
 րա պատասխանի . Իբրեւ եհաս պատգամաւորն առ Ղա-
 զան Խան և մատոյց առ նա զթուղթ Պապին , յորում խըն-
 դէր տղասել զերուսաղէմ 'ի ձեռաց Սուլթանացն Եգիպ-
 տոսի , ուրախ եղև . յոյժ ընդ այնպիսի խնդիրն նորին :
 Իսկ եւ իսկ եհան հրաման գումարել զօրաց 'ի բանակս ,
 միարանեաց ընդ իւր զթագաւորս Հայոց , Վրաց և Կիպ-
 րոսի , և անհամար բաղմութեամբ հասին 'ի կողմանս Եմէս
 քաղաքին , այն է Հաճ , ուր հարեալ էր զբանակ իւր Սուլ-
 թանն Եգիպտոսի : Եւ 'ի խմբել մարտին , պարսեցաւ Սուլ-
 թանն , և կոտորեցան բազումք 'ի զօրաց նորին , և այլքն
 եղևն յախստականս : Անձնատուր եղևն թախարաց Բերիա
 և Դամասկոս . և անտի զիմեալ հասին յերուսաղէմ . տե-
 սեալ բնակչաց քաղաքին զբաղմութիւնս նոցա , զահի հու-
 րան յոյժ , և առանց բանս ինչ զմտաւ ամելոյ բացին ա-
 ռաջի նոցա զդրունս քաղաքին , և Ղազան Խան և որք ընդ
 նա մտին շառօք 'ի ներքս , և գնացին դէպ ուղիղ յեկե-
 ղեցին Ս . Յարութեան և երկիրպագին Գերեզմանին Գրիս-
 տոսի ընդ այլ ուխտաւորս քրիստոնէից : Զկառավարու-
 թիւն Երուսաղէմի յանձն արար Խազանն թագաւորին
 Հայոց Հեթում , որ եւ Մարինոս Լոստին կոչէ զնա զօրա-